

衛輝府志卷六

地理上

山川

蒼峪山

水經注蒼谷有蒼玉珉石

一統志在汲縣西北四十里

縣志一作蒼山中有龍化巖塔兒岡白龍潭

黃山

名勝志黃山土皆黃色與蒼山相對

一統志在汲縣西北四十里

衛輝府志

卷六 山川

霖落山

一統志在汲縣西北三十五里衛郡諸山獨此最稱幽

勝重巒疊巘瑰特千狀一作林落山中有獅子巖香泉

仙翁山

一統志在汲縣西二十里一名神山其北為黃華洞

舊志一名仙山在縣西二十里山彪村上有葛仙祠

壇山

一統志在汲縣西北四十里

舊志壇山在陳名村上有六度寺

華蓋山

一統志在汲縣東北四十里

舊志相傳漢馬超會其兵於此

興工山

續河南通志在府西二十里山彪村北黃華洞上相傳古修長城初興工處今有遺址古碑尚存

舊府縣志同

鑪頭山

續河南通志在汲縣西北蒼山內有鐵似牛形相傳元末兵亂山寇造兵所遺

棋盤山

衛輝府志

卷六 山川

二

二百〇七

續河南通志在蒼山內相傳曾有羣仙奕棋于此上有枰蹟宛然

寺兒山

一統志在新鄉縣東北一十里

鳳凰山

舊新鄉縣志一名望虎山在縣北三十里在陵崗麓即

潞王墳

鹿臺山

舊新鄉縣志在縣東北十里

太行山一名五行山

一統志在輝縣西五十里接修武縣界有白陘太行第一陘也

書禹貢太行恒山至于碣石孔傳二山連延東北接碣石

漢書地理志山陽野王太行山在西北

述征記太行山首始河內北至幽州凡百嶺連亘十三州之界有八陘第一軹關第二太行陘第三白陘

括地志太行山南屬懷州北屬澤州又東北連亘河北諸州凡數千里爲天下之脊

寰宇記太行山起于濟源相傳爲皇母山或名女媧山

衛輝府志

卷六 山川

三

三百五十一

金史地理志濟源縣有太行山以沁水爲界西爲王屋東爲太行

通鑑地理通釋秦漢之間稱山北山南山東山西者皆指太行太行在漢屬河內郡野王山陽之間今屬懷州在天下之中故指此山以表地勢焉

淮南子武王欲築宮於五行之山高誘注卽太行

輝縣志太行縣亘數千里由縣西南環繞西北直抵于海其在縣境者幾百餘里距縣治或四五十里七八十里西南曰駝峰正西曰石門曰九蓮曰紫團巍曰白鹿河北口道人峰曰華巖嶺曰雙入峰曰瘦驢嶺正身曰

王柱峰東北曰黑麓曰白佛隨地異名皆太行也

方山

水經注以山四方故曰方山

輝縣志在縣北發脈太行巍然突峙為輝邑主山一支直注東南為滑山為共山一支折而西南為九山為蘇門泉水出焉

白鹿山

水經注長泉水出白鹿山

元和郡縣志在共城縣西五十四里

盧思道西征記有石自然為鹿形遠視皎然獨立故以

衛輝府志

卷六 山川

四

二百八十一

白鹿名

鹿臺山

續河南通志在輝縣西北三十里有羣鹿聚其上故名

天門山

水經注天門山石自空狀若門焉廣三丈深丈餘東五百餘步中有石穴西向裁得容人平行東南入徑至天井拔攝而升至 upper 平東西二百步南北七百步四面絕無由升陟一石泉方丈餘清水湛然常無增減田者資以給飲北有石室二間

元和郡縣志山在共城縣西五十里

李濂記兩山壁立相距下 三潭水皆紫色能與雲

蒸蛟龍之宮也三潭之上有三舍 東有降曰掛鏡臺

一統志在輝縣西北五十里亦名石門山

淇山一名沮洳山亦名大號山

山海經沮洳之山淇水出焉

淮南子地形訓淇出大號

水經注淇水出隆慮縣西大號山側頽波瀾注衝激橫

山山上合下闕巨石礫砢交積隍澗傾瀾洑澗勢同雷

轉激散氛曖若霧合

一統志在輝縣西北

衛輝府志 卷六 山川 五 二百八十六

蘇門山一名蘇嶺一曰栢門亦作百門

魏書地形志共有栢門山

元和郡縣志山在衛縣西北八十一里即孫登隱處

寰宇記俗名五巖山

一統志在輝縣西北七里即太行支山也

共山

漢書地理志共北山淇水所出

水經注共山在共伯故國北所謂共北山也

寰宇記在縣北十里昔共伯復二十國逍遙得意游此

山之首

一統志在輝縣北九里

輝縣舊志亦謂之九峰山蘇門之別阜也

九山

一統志在輝縣北十里孤峰聳出俯視羣山邑人每以重九日登高于此故名又曰韭山

舊志山產野韭又名韭山

黑麓山

水經注黑山在縣北白鹿山東清水所出也瀑布垂巖懸河注壑二十餘丈雷撲之聲震動山谷左右石壁層深隍中散水霧合視不見底

衛輝府志

卷六 山川

六

二百四六

一統志在輝縣東北五十里

輝縣志在瘦嶺嶺東有古刹在山半名黑麓寺兩崖壁立直逼霄漢洞中流湍穿石溝冷可愛卉木垂蔭盛夏無暑

滑山

舊志在輝縣東北十里方山東

白佛山

舊志在輝縣東北十五里山有寺寺中有白石佛

龍來山

舊志在輝縣西北五十里

同盟山

元和郡縣志武王伐紂與諸侯同盟于此

一統志在獲嘉縣東北五里

獲嘉縣志山舊有武王廟下有太公演武塲校閱臺

青巖山

一統志在淇縣西南三十里唐天寶末甄濟隱此安祿

山辟不就

名勝志有水簾洞出泉澗激可鑿

朝陽山

寰宇記在衛縣西南十五里

衛輝府志

卷六 山川

七

二百四十一

一統志在淇縣西十五里林壑佳勝與青巖相埒

靈山

一統志在淇縣西北三十里

九州要記靈山有黑龍潭其北有四井上有千佛洞隋

開皇中滎陽鄭元伯斲石造佛萬四千軀

淇縣志唐開元中建佛寺于此山曰靈山寺

浮山

一統志在淇縣北三十里山勢聳削高出雲表

酸棗山

寰宇記土山在酸棗縣東南二里

一統志在延津縣西南十五里一名土山

大伾山

書禹貢東過洛汭至于大伾

爾雅山一成謂之伾

水經河水東逕成臯大伾山下注按史記括地志云大伾山今名黎陽東山在衛州黎陽南張揖云今成臯非也

酈道元水經注爾雅曰山一成謂之伾許慎呂忱等並以爲邱一成也孔安國以爲再成曰伾亦或以爲地名非也尚書禹貢曰過洛汭至于大伾者也鄭康成曰地

衛輝府志

卷六 山川

八

三百四六

喉也流出伾際矣然則大伾在河內修武武德之界濟沈之水與滎播澤出入自此然則大伾卽是山矣伾北卽經所謂濟水從北來注之者也今沛水自温縣入河不於此也所入者奉濟舊本作溝水耳卽溝舊本作濟沈之故瀆矣成臯縣之故伾上滎帶伾阜絕岸峻周高四十丈許城張翕嶮崎而不平春秋傳曰制巖邑也

漢書注臣瓚曰今黎陽縣山臨河乃大伾也

唐書地理志大伾山一名黎陽山

通典今名黎陽東山又名青壇山

禹貢雖指山上有青壇漢光武平王郎還至黎陽築壇

祭告天地百神

劉公幹賦青壇承祀高碑頌靈

一統志在濬縣東南二里山高四十丈周五里亦曰黎
山峰巘秀發若倚屏障

徐嵩按大伾山漢以前俱云在成臯無有謂在黎陽者
惟漢書音義云大伾黎陽縣山

紫金山

一統志在濬縣東五里大伾山之東翠石稜稜山無餘
土相傳玉女修煉其上丹成飛去有白金象拖裙石玉
女巘玉女觀

衛輝府志

卷六 山川

九

二百六四

鳳凰山

一統志在濬縣東故河東岸與紫金山東西並峙皆大
伾支隴也控扼淇衛交流之口

禹貢錐指宋河渠志有居山汶子二小山卽縣志之紫
金鳳凰也

浮邱山

一統志在濬縣西南隅半在城內高三十餘丈盤踞六
里有峰巘三層縣治正跨其上

同山一曰童山

水經注五穴口一水又南分東入同山陂

帝嘗字文化及度永濟渠與李密決戰于童山

寰宇記童山在衛縣東九十里

一統志在濟縣西南三十里

白祀山

水經注五丈口一水東入白祀陂

一統志在濟縣西二十里山南岡上有藏軍洞

濟縣舊志傳秦始皇祀西嶽于此山有巨石無字土人

呼為秦皇碑

善化山舊名枉人山

水經注淇水東北逕枉人山東

衛輝府志

卷六 山川

元和郡縣志在黎陽縣西北四十二里俗言射殺比干

于此故名

庚信哀江南賦終則山稱枉人

一統志在濟縣西北二十五里高六十餘丈周三十里

舊名枉人山

縣志南北連跨巨岡西南一峰傑出近西有黑龍潭

有龍洞

黑山

後漢書袁紹傳沮授曰還討黑山則張燕可滅

魏志武帝紀于毒白統哇固等十餘萬眾以掠魏郡

黑山城

寰宇記一名墨山以墨子昔居此為名在衛縣西北五十里

名勝志黑山多削壁怪石迴溪曲澗盤鬱其中有風穴口大如斗風從中出附口處草皆外偃

一統志在濟縣西北七十里周五十里縣志又有陳家山在西南與黑山連亘下臨淇水石壁峭拔高二十仞

鮒鰓山

山海經鮒鰓之山帝顓頊葬其陽

通典頓邱縣有鮒鰓山顓頊所葬也

衛輝府志

卷六 山川

十一

二百九一

滑縣志在縣東北七十里一名高長山一名廣陽山一名青塚山今名土山

秋山

山海經帝嚳葬于秋山之陰

元和郡縣志秋山在頓邱縣西北三十五里

大名府志山久為黃河故道矣

白馬山

水經注引耆舊傳云東郡白馬縣之神馬亭實中層峙南北二百步東西五十餘步狀若斬成也自外耕耘墾所削落平盡正南有陟躔陸上方軌是由西南側城有

神馬寺在大梁西去白馬津可二十餘里東南距
馬縣故城可五十里疑卽開山圖之所謂白馬山也山
下常有白馬羣行悲鳴則河決馳走則山崩注云山在
鄭故此鄭也

大臺山

宋史河渠志天禧三年滑州河溢城西北天臺山旁道
使治之天聖二年塞河成以其近天臺山麓名曰天臺

澤

一統志在滑縣西

狗脊山

滑州府志

卷六 山川

六

二〇五

一統志在滑縣西北地出狗脊草故名山麓有龍潭

黑山

魏志初平四年袁術屯封邱黑山

晉圖志周太祖改黑山為青山

封邱續志云舊志誌縣北黑山不知始自何人後讀資
治通鑑至漢初平四年曹操擊袁術圍封邱始知作史
者以黑山別部為言而作誌者以封邱黑
山為句遂謂封邱古有黑山其誤甚矣

龍化巖

汶縣志在蒼峪山內洪武間有龍化于此

獅子巖

汲縣志在霖落山內山石巖巖出崖畔踳踞如羣獅相

揭故名

古懸洞

汲縣志在西北戴村廣澤王廟東洞空曠可容千八元時有人避兵于內今確磨遺跡尚存

黃華洞

汲縣志在西二十里山彪村上有玉帝古廟廟右有洞高濶丈許相傳有仙翁修煉于此

烟嶺

汲縣志在北四十里山內羊角灣春秋之木山陵自出煙障上有廟今圯土人呼為烟嶺廟

靈輝府志

卷六 山川

三

二百三

塔兒岡

汲縣志在蒼峪山頂上有二塔相傳昔有異人化其

潭岡

汲縣志在北五里岡圍高十數丈產白石

五陵岡

新鄉縣志在縣北三十里其阜有五林石鬱翠

三岡

續河南通志亦名茹家岡相傳太公鷹揚之所上有太公廟

一統志亦名茹家岡皆太行之尾

新鄉縣志在縣北三里許龍岡鳳岡龜岡東西遙延溝里

紅土岡

新鄉縣志在縣北每過兩其地水流如血諺云紂師倒戈之所

玉柱峰

一統志在輝縣北五十里有石柱屹立雲表高三丈圍五尺又有道人峰在縣西六十里

雙人峰

一統志在輝縣西北一百里太行山巔二峰並峙高可百尺
衛輝府志 卷六 山川 齒 二百〇四

金牛嶺

一統志在淇縣西十五里

石邱

元和志石邱在酸棗縣東北三十里俗傳漢成帝時星隕為石處

九域志有星邱秦始皇時星墜處

一統志在延津縣東北

舊胙城縣志在縣東北三十里

黃猿虎洞

舊州城縣志在城隍廟後少偏西

龍脊岡

濬縣志在縣西二十里連亘善化白祀童引勢如游龍岡若龍脊

大佛巖

濬縣志在大伾山東麓圖澄鑿崖石為佛象高十餘丈魏時有閣覆之元末燬于兵今重建極壯麗

觀音巖

濬縣志在大伾山北巖洞內鑿石為象

龍洞

衛輝府志

卷六 山川

五

二百五十

濬縣志在大伾山大佛巖北大小三穴天將雨穴中先出雲氣宋政和間歲旱州守禱雨輒應奏于朝勅封康顯侯洞前建豐澤廟勅誥勒石西石返照穴中有光故又曰西陽明洞

千佛洞

濬縣志在浮邱山巔平峰突起如冠中狀下有洞一闕邃如室有佛像千餘唐永隆中僧太淵所鑿

呂祖洞

濬縣志在大伾山西崖峭嶂之間景物瀟灑

藏軍洞

濟縣志在白祀山南岡上洞寬丈餘深不可測入數步則寒氣凜冽相傳爲古藏軍之所

師延邱

寰宇記在韋城縣東南二十里延射之樂師死于濮水收葬于此

一統志在滑縣東南

淳于岡

一統志在封邱縣東北十八里溧于河

葛岡臥龍岡固德岡

一統志在考城縣南二里世傳葛仙鍊丹處又縣南二

衛輝府志

卷六 山川

夫

二百七

十里有臥龍岡西南二十五里有固德岡

黃陵岡

一統志在考城縣北金天興二年金主自黃陵岡渡河元至正十一年命賈魯治河于黃陵岡

古黃河

一統志舊河東經延津縣北又東經故胙城縣北其北岸則新鄉汲縣又東北至滑縣西南其南岸則滑縣北曰黎陽津南曰白馬津

書孔傳河至於大伾而北行

黃度尚書曰導河南至華陰折而東行至大伾折而北

行所謂千里而一曲也

漢賈讓言決黎陽遮害亭放河使北入海河西薄大山東薄金隄勢不遠遠流溢

水經注河水東至酸棗縣西濮水東出焉又東北通謂之延津又東逕燕縣故城北有濟水自北來注之又東淇水入焉又東逕遮害亭南又東右逕滑臺城又東北過黎陽縣南河水自津東北逕涼城縣又東北爲長壽津

按唐元和八年以河溢侵滑州羊馬城之半滑州薛平魏博田宏正徵役萬人於黎陽界開古黃河道十四里

衛輝府志

卷六 山川

七

三百九二

經黎陽山東會於故瀆名曰新河乾寧三年河圯於滑州朱全忠決其隄因爲二河散漫千餘里梁龍德三年段凝自酸棗決河東注於鄆以限唐兵謂之護駕河決口日大屢爲曹濮患宋太平興國八年河大決滑州韓村淳化四年梁睿請於迎陽村鑿渠引水凡四十里至黎陽合大河以防暴漲許之五年新渠成天禧三年滑州河溢城西北天臺山旁能復瀆於城西南歷瀘濮曹鄆注梁山泊又合清水古汴渠東入於淮遣使治之四年河塞熙寧十年河復溢衛州王供壻及汲縣上下壻滑州韓村北流斷絕河道南徙東匯於梁山張澤滌分

爲二派一合南清河入於淮一合北清河入於海元豐三年陳祐甫謂禹故瀆尚存在大伾太行之間地卑而勢固乞自衛州至德靖接視訖於海口從之金大定二十年河決衛州及延津京東歸石抹輝言河水失故道勢益南行乃自衛州壩下接歸德府南北兩岸增築隄以捍湍怒二十六年河決衛州隄壞泛溢及於大名由是徙州共城以避之貞祐四年溫撤可喜言新鄉縣西河水可決使東北流不從禹貢雖指黃河在延津縣北者金明昌五年河徙自陽武灌封邱而東其流始絕在新鄉縣西南者元至元九年廣盈倉南河北岸決其後與胙城分水

衛河

衛輝府志

卷六 山川

六

三二七七二

一統志源出輝縣西蘇門山拗刀泉東南流入新鄉縣界又東入府治汲縣界又東北經淇縣與淇水合流東北至滑縣城西又東北經滑縣內黃界又受洹漳二水卽古百泉

魏書地形志共有柏門水

水經注冀門城南有安陽陂次東又得卓水陂次東

百門��方五百步在共縣故城西其水三川南合
之清川又南逕凡城東又西南總爲一瀆謂之廣水南
流注於濟水

元和志百門��方五百許步百姓引以溉稻田其米明
白香潔魏齊以來嘗以薦御隋煬帝引之爲永濟渠亦
曰御河

宋史河渠志御河自通利乾寧入界河達海熙寧九年
熊本言河北州軍給賞茶貨及權場要用之物並自黃
河運至黎陽出卸轉入御河其後河徙而南清水遂合
淇水東北出不復入河元人漕江淮之粟達於河至封

衛輝府志

卷六 山川

九

三百七十四

邱陸運一百八十里至淇門入御河

按衛河經新鄉汲縣而東至濬縣境淇水入焉謂之白
溝亦曰宿胥瀆其河北抵臨清與汶河會流行九百二
十三里其間水之入者六曰小丹河斲脛河淇河陽河
安陽河漳河白臨清州板關以北賴衛水濟運 本朝

康熙二十九年河臣王新命以衛河在輝縣境內民間
設立仁義禮智信五閘蓄水灌田例於五月朔封板放
水濟運有妨農務請用竹絡裝石量渠口高下堵塞使
各渠之水自盈而所餘水得常流濟運自此漕民兩便

濟水

一統志自輝縣西南東流經獲嘉縣北又東流經新鄉縣西北至合河店西入衛河

水經注清水出修武縣之北黑山南流谿曰瑤谿又曰瑤淵水又南與小瑤水合又東南流吳澤陂水注之謂之長清河又東周永豐城陶水南流注之又東周新豐塢又東逕故石梁下又東與倉水合又東南逕合城南故三澮亭也以淇清合河故授名焉清水又屈而南逕屬皇臺東北南注之謂之清河卽淇河口也

輝縣志清水自山陽鎮東南流入獲嘉縣北界分爲二一東流至合河村入衛一西流入三橋陂復逆流入清

衛輝府志

卷六 山川

三

三百六五

水名泥河

長泉水

一統志在輝縣西南六十里東南流至獲嘉縣界入清水

水經注長泉水源出白鹿山東南伏流一十三里重源發於鄧城西北世謂之重泉水又逕七賢祠東廟南又有一泉東南流注於長泉水其水又南逕鄧城東名之爲鄧瀆又謂之爲白屋水昔司馬懿征公孫淵還達白屋卽於此也其水又東南流逕隴城北又東南合吳澤又東流謂之八光溝又東流注於清水謂之長清河

玉河

輝縣志温玉河在縣西南七

明萬曆六年知

縣講良祀開

倉水

一統志源出淇縣東南流至汲縣北入清水一曰蒼河水經注倉水出西北方上山西倉峪東南流潛行地下又東南復出俗謂之霍水東南歷埽野又東南入於清水

淇縣志源出府西北百里管家井

卓水

衛輝府志

卷六 山川

三

二百七十

一統志在輝縣西八里

魏書地形志共有卓水陂

輝縣志水泉平地湧出縈紆數畝亦名筠溪西二里有

萬泉又蓮花泉在縣西南二里亦名小百泉俱南入衛

淇水

一統志在輝縣西北東北流接彰德府林縣界南逕

德府湯陰縣界南流復入經淇縣東南入衛

詩淇水在右

漢書地理志共縣北山淇水所出東至黎陽入河

後漢書潁川志賈讓言黎陽南七十餘里至淇水

三國魏志武帝紀建安九年太祖遏淇水入白巖以通糧道

水經注淇水出河內林慮縣西大號山東北流活水注之又逕南羅川又歷之羅城北東北與女臺水會又東北逕淇陽川逕石城西北又東北西流水注之又東出山分爲二水會立石堰遏水以沃白溝左爲宛水右則淇水自元甫城東南逕朝歌縣北又東屈而西轉逕邨邱北又南逕邨邱西又南與泉源水合又南歷枋堰又南逕枋城西分爲二水一水南入清水一水東北入邨邱界

衛輝府志

卷六

五

三十四

通典淇水至衛州衛縣界入河謂之淇水口古朝歌也
衛居河淇之間

泉源水

一統志在淇縣南亦名陽河卽古肥泉也

詩泉源在左又我思肥泉毛傳所出同所歸異爲肥泉
水經注泉源水有二源一水出朝歌城西北南流東屈逕朝歌城南又東與左水合謂之馬濟水一水出朝歌城北東流南屈至其城東又東流與美溝合又東逕淇水爲肥泉也 博物志謂之澳水

淇河志

寰宇記陽河水卽紂斲朝涉之脛處

淇縣志斲脛河源出縣西北三里東南流逕縣南五里又東南過縣東南二十里入衛

濮水

一統志在今延津滑縣境

水經注濮水上承濟水於封邱縣東逕匡城北又東左會別濮水受河於酸棗縣逕酸棗縣故城南又東逕胙亭東又東北逕燕城內又東北與酸水故瀆會又東逕蒲城北又東逕韋城南東絕東馳道逕長垣縣故城北又東分爲二瀆北濮出焉又東逕須城北又北逕襄邱

衛輝府志

卷六 山川

三

三百四七

亭南東逕濮陽縣故城南

按濮水本大河分流自黃河遷決濮水亦堙今通志不載縣志有衛南陂水受故胙城縣孟華潭王德口諸水自縣南東北流逕縣東又迤北逕桃園而東南滙於衛南陂東北逕柳青河達於廬淵又有沙河在縣南五十里皆濮渠之餘流也

酸水

一統志在延津縣北自縣流入東北入長垣縣界今堙水經注酸瀆首受河於酸棗縣東逕酸棗城北延津南謂之酸水又東北逕燕城北又東逕滑臺城南又東南

逕瓦亭南又東南會於濮世謂之百尺溝

宛水

一統志在濬縣西南

水經注宛水上承淇水於元甫城西北白石堰東注宛城西屈逕其城南又東南流歷五軍東北得舊石沮故五水分流世號五穴口今惟通并爲二一水西注淇水謂之天井溝一水逕五軍東分爲蓼溝東入白祀陂又南分東入同山陂二陂所結卽臺陰野矣宛水東南入淇水

濬縣志白祀陂在縣西二十里同山陂在白祀陂東南

衛輝府志

卷六 山川

五

二百九一

二陂皆宛水所匯又有亭子陂亦在縣西里許

宿胥水

一統志在濬縣西南今堙

戰國策蘇代曰決宿胥之口

史記索隱宿胥蓋亦津名

水經注淇水右合宿胥故瀆受河於頓邱縣遮害亭東黎山西北會淇水處立石堰遏水令更東北注魏武開白溝因宿胥故瀆而加其功也

按宿胥故瀆卽淇水合衛河處

白馬水

一統志在滑縣北傳爲河水分流處亦曰白馬津今
戰國策張儀說趙王曰守白馬之津蘇代說燕王曰決
白馬之口魏無外黃濟陽韓非見秦王曰決白馬之口
以灌魏氏

史記荆燕世家劉賈將二萬人騎數百渡白馬津入楚
地正義黎陽一名白馬津在滑州白馬縣北三十里
晉書慕容德載記德欲退保黎陽其夕流澌凍合是夜
濟師以魏師至而冰泮若有神焉遂改黎陽津爲天津
橋

水經注鹿鳴津又曰白馬津津之東南有白馬城故津
衛輝府志 卷六 山川 三五
取名焉河水舊於白馬縣南溢通濮濟黃溝金隄旣建
故渠水斷尚謂之白馬瀆故瀆東逕鹿鳴城南又東北
逕白馬縣之涼城北又東南逕濮陽縣散入濮水
唐書地理志衛州黎陽有白馬津

江河

一統志故道自懷慶府武陟縣流入獲嘉縣南又東南
經新鄉縣南又東北經汲縣北入清

按沁河支流自懷慶府武陟縣紅荆口經衛輝入衛
隋大業中開永濟渠嘗引以通涿郡元亨守敬言沁
水引至武陟北流合御河灌田此沁入衛之故道也

初河逕入淮不與沁合乃鑿渠引之令河仍入沁後沁全注黃河而入衛故道盡堙萬曆十五年沁決武陟東岸新鄉獲嘉被滄時議引沁入衛因沁水多沙不利漕運遂止

小丹河

一統志在獲嘉縣北自懷慶府修武縣流入經縣東北合清水入衛一曰蔣河

鯉河

一統志源出輝縣太行山五谷口東南流經獲嘉縣西北又東至新鄉縣界入衛又沙河源出輝縣石門口南衛輝府志

卷六 山川

流入獲嘉縣界入鯉河二河久淤山水暴至每成巨浸明萬曆三十一年築隄防之

三度河

一統志在輝縣西四里引百泉水南至雲門鎮溉田宋史河渠志熙寧六年內侍程昉言得共城舊河漕若疏導入三度河灌西堦稻田

輝縣志又有新河在縣南二里明萬曆四十五年以衛河東下逕直乃分爲支渠自張家灣東南至小屯入衛歲久淤塞

小石河

一統志在淇縣北卽古美溝水也

水經注美溝水出朝歌西北大嶺下東出逕駱駝谷於中逶迤九十曲故信有美溝之目歷十二嶂嶂流相承泉響不斷返水捍注深隍隍間積石下通水穴萬變其水東逕朝歌城北又東南流注馬溝水入淇淇縣志源出縣西北三十里東流與思德河合名勝志思德河源出武公廟前東流入淇水

波羅河

一統志在濟縣西南童山西麓南流至龍口峽伏流地中值潦溢則匯於長豐泊一名漆河

衛輝府志

卷六 山川

三

三百〇八

硝河

一統志在滑縣東南三十里

縣志水出滑縣有二一流經縣北界入開州之馬鴛河

一入內黃石村界以兩岸產硝故名

延津

一統志在延津縣北今埏

左傳杜預注陳留酸棗縣北有延津

水經注河水又東北通謂之延津石勒之襲劉曜途出於此以河水津爲神靈之助號是處爲靈昌津

括地志淇縣西南二十五里卽延津

樞屬石橋頭東陽澗及大屯之天泉小泉

長豐泊

一統志在濬縣西卽宋李垂所謂牧馬陂古河道所經也

明統志泊在縣西二十里今爲牧馬池

濬縣志卽白祀同山二陂所匯明嘉靖中疏濬延袤九十餘里

老高陂渠

一統志在輝縣西南十五里明萬曆六年縣令韓良祀開又花村渠在老高陂東又秀才莊新渠在縣南二十里皆良所開

衛輝府志



卷六 山川

冰井

一統志在延津縣西南二十里

寰宇記韓襄王藏冰之所

八角井

一統志在滑縣北

寰宇記在州子城外北濠下唐貞元初賈耽所鑿

古白溝

春秋傳販狄于長邱孟康曰今封邱縣舊城是

吳澤陂

一統志在獲嘉縣西北

左傳定公元年魏獻子田于大陸注大陸疑卽汲郡吳澤陂近甯

水經注修武城西北二十里有吳澤水陂南北二十里許東西三十里西則蔡溝入焉又次北有苟泉水入焉南爲苟泉北則河瀆二瀆雙導俱東入陂山陽縣東北二十五里有陸真阜南有黃母馬鳴二泉東南合注於吳陂次陸真阜之東北得覆釜堆堆南有三泉相去四五里參差合次南注於陂又東長泉水注之

衛輝府志

卷六

山川

元

二〇七八

獲嘉縣志陂在縣西南十三里名三橋陂亦名太白陂九里陂

一統志在滑縣東

寰宇記在衛縣南北五里自白馬縣流入隋開皇六年開

黎陽津

三國志補一名白馬津漢建安五年魏征蜀先主擒關雲長於此雲長刺殺袁紹將亦於此

烏巢澤

一統志在延津縣東南

三國魏志裴松之注許攸說曹操曰今袁氏輜重在黃
餘乘在故市烏巢屯

晉書地理志酸棗烏巢地在東南

水經注濟瀆又東逕酸棗縣之烏巢澤北澤有故亭
晉太康地記曰澤在酸棗之東南

三國疆域補志魏武破袁紹將淳于瓊處

滑沱澤

一統志在滑縣西北周五里亦大河餘浸也

慕化潭

一統志在汲縣東三十五里漫衍十餘里又黑龍潭在

衛輝府志

卷六 山川

三

二百七六

縣西舊時河決所瀦又綠水潭在縣西北八十里

古汴河

水經注汴水東逕濟陽考城縣故城南爲甾獲渠

古泡水

水經注泡水卽豐水之上源也水上承大薺陂東逕賁

城北又東逕孟諸澤

一統志自考城縣南東流逕府城北又東逕虞城縣北

又東入山東單縣界

古黃水

水經注黃水自外黃東逕葵邱下又東注大澤陂又東

北流至定陶

寰宇記黃溝在縣西三十六里

一統志自考城縣北自開封府杞縣流入河東北流入

山東曹縣界

大薺陂

水經注黃水東注大澤蒹葭莞葦生焉卽世所謂大薺陂也

元和志國都城記曰縣西南有戴水今名戴陂又大薺陂則戴陂也在考城縣西南四十九里週迴八十七里與宋州襄邑縣中分界

衛輝府志

卷六 山川

三

一百五四

絡絲潭

一統志在新鄉縣西二十里又白馬潭在縣東北三十里

三仙潭

一統志在輝縣西五十里石山

輝縣志水自山西陵川縣經平田河初匯爲一潭曰黑龍稍西奔注巨壑復爲巨潭曰白龍又南流四五里至峪河口鍾一小潭名曰二女

裴家潭

一統志在濬縣西卽宋李垂所請疏河東北注處

寸金潭

一統志在滑縣東北舊爲大河經流處今涸

宋史河渠志宣和二年王黼言滑州韓村埽河流衝至寸金潭方議開濬忽自成直河

聖水也

一統志在汲縣北歲旱禱雨多應

太公泉

一統志在汲縣西北二十五里流十餘里伏流入地

水經注汲城北三十里有太公泉泉上有太公廟

丁公泉

衛輝府志

卷六 山川

三

二百八

一統志在輝縣西五十里

水經注丁公泉發於焦泉之右次東又得焦泉發於天門之左次東得魚鮑泉次東得張波泉次東得三淵泉是四川在重門城西並單川南注也

輝縣志丁公泉東過藺橋入衛又東爲焦泉又東爲金沙銀沙二泉交匯爲池奔流里許伏流入地又有寶泉在縣西七十里風門山下自石竇中出

檻泉

一統志在濬縣西北善化山下

縣志舊共七十有二今堙其存者爲荆家寨張家窪王

楓園石橋頭東湯澗及大屯之大泉小泉

思德河

淇縣志源發淇縣西北三十里耿家灣東流經思德董家橋至青龍鎮北與淇水合

沙河

獲嘉縣志源出太行山石門口由輝縣界經本縣羅召村楊旗營大梁塚約五里入鯉河

龍潭

獲嘉縣志在縣城南深淵澄徹歲旱不涸傳有龍蟄其間禱雨輒應康熙元年二月初八日龍潭之外忽朝暉

衛輝府志

卷六

山川

三三

中現影爲城堞狀有東郭無北門同獲邑制移時乃散知縣陳生吉率邑紳士賦南城獻瑞詩紀之

冰井

一統志在延津縣西南二十里

寰宇記韓襄王藏冰之所

八角井

一統志在滑縣北

寰宇記在州子城外北濠下唐貞元初賈耽所鑿

古白溝

春秋傳販狄于長邱孟康曰今封邱縣翟溝也

魏書地形志封邱有白溝

水經注濟水東南流入陽武縣又東為白馬淵淵東東
西二里南北一百五十步名為白溝

九域志陽武縣有白溝河其水至封邱境內又曰翟溝
舊志白溝在陽武縣東南三里又翟溝在封邱縣南八
里即白溝也南接黃河支流引瀆東入今湮

古濮渠

漢書地理志濮渠首受濟東北至都關入羊里水過都
三行六百三十里

水經注濮水上承濟水于封邱縣闕駟曰首受別濟即

衛輝府志

卷六

山川

三

二百八五

此濟也其故瀆自濟東北流左迤為高粱陂又東迤巨
城北又東北左會別濮水

黃池

春秋哀公十三年公會晉侯及吳子于黃池杜預注封
邱縣南有黃亭近濟水

國語吳王掘深溝于高壘之間西屬之濟以會晉侯
于黃池

寰宇記池在縣西南七里東西廣三里

一統志在封邱縣南

八角井

志在封邱縣東二十里世謂宋樞密使潘美故
有井八角旁又有九井云

黃溝

水經注黃溝自外黃城南東逕葵邱下又東注大濟陂
九域志考城縣有黃溝

寰宇記黃溝在考城縣西三十六里

一統志在考城縣北自杞縣流入下流逕夏邑縣界

白皐渡

唐書史思明傳乾元二年思明兵四出寇河南身出濮
陽使令狐彰絕黎陽朝義出白高

衛輝府志

卷六 山川

五

二百一

一統志在滑縣北大河津渡處亦作白高

胡良渡

五代史延光傳延光遣其牙將以兵距黎陽晉高祖以
楊光遠為招討使引兵自滑州渡胡梁攻之

一統志在滑縣東北亦曰胡梁渡

